

Նա դեռ իր խօսքը չի ասել աշխարհին:

* * *

Եւ ահա այս մանուկ ու մխտակ ժողովուրդն է, ստեղծների երազուն գաւակը, որ յանկարծ ճակատ առ ճակատ բոլշևիզմին հանդիպեց, ինչպէս հանդիպում եւ մեծ ճամբարների աւազակին:

Հոգեւոր ու բարոյական թախանը մեծ է. Համայնավարութիւն...

Մի տեսակ համայնք միշտ գոյութիւն է ունեցել Ռուսիայում եւ ուրա մութիկը չի խրաչում այդ բառից աշխատելով նրա բովանդակութիւնը յարմարցնել իր հոգու շրջանակին:

Ի՞նչ կար աւերելու:

Ընտանիքը...

Յարիզմը, ճորտութիւնը վաղուց էին այն քանդել, կարդացէք նորէն ու նորէն Տօլստոյի «Յարութիւնը» եւ մանաւանդ նրա «Սաւարի իշխանութիւնը», Կարդացէք Մ. Գորկու «Մանկութիւնը»:

Բոլշևիզմը ուսւ ժողովրդի կամքը ճշկեց. բայց այդ կամքը այնպէս թոյլ է եղած միշտ եւ այնքան ճկուն բոլոր տեսակի բռնութիւնների տակ:

Ազգային ու ընտանեկան անդութիւնները, հողին, խրճիթին, գերեզմաններին, հին-հին յիշատակարաններին են կապուած անդութիւնները. հաստատուն կենցաղի, որդուց որդի անցնող, հազար սերունդների հոգեւոր, իմացական կեանքի, փառքի, տառապանքի, պայքարի ու յաղթանակի, լացի ու խնդրութեան ծոցից են ժայթքում ժողովուրդների հաւատածքներն ու սրբութիւնները: Ազատ, անկախ հասարակական, ազգային կեանքը, անդադրում մշակութեամբ գեղուն ու բեղուն պատմութիւնն է որ մէկ ցեղի կապում է իր մայր երկրին, իր ծննդավայրին: Քարէ մի հին կամար, որի վրայ նախնիք են խոկացել, մի աւերակ վանք, ուր հայրերն են աղօթել, մի հինաւուրց դանդակատուն, ուրտեղից առաւօտ երկնոյ լուսող լալիան զօրանջը սերունդներ են ունկնդրել. մի հին բերդ, աշտարակ, դղեակ, հին-հին քաջերի ու հերոսների գերեզմաններ, որոնց հետ կապուած է մի ժողովրդի ամբողջ հոգեւոր կեանքը, բիւր անտեսանելի խորհրդ-

դատը թելերով — այս բոլորը գրեթէ անծանօթ են ուսւ մարդուն: Նրա քաղաքակրթութիւնն էլ իր պէս մանուկ է:

Բնութեան դէմ յարատեւ ու յամառ պայքարը, որի մէջ է թրծուել այնքան ժողովուրդների կոբովի կերպարանքը, անծանօթ է ուսւ մարդուն: Նրա գետերը սահանք հունին, ու նա չը գիտէ ինչ ասել է փրփրուն ալիքները սանձել ամբարտակներով եւ ջուր չորթել իր հունձերի համար. նրա ջուրը միշտ երկնքից է թափում, նա չը գիտէ ժայռերը փշրել, լեռների կոբըքը հանդուել հատիկ ցանելու, խաղողի այգի կամ ծառաստաններ մշակելու համար. նա անծանօթ է լեռնային դժուարին ճամբաներին, խորտակուող ու բարձրացող բլուրների հրաբխային կատաղութեանը. նա անծանօթ է լեռները թափ անցնող առնեւնիքին, որովհետեւ իր տափարակ հայրենիքը խաղառ թափուր է քար ու սարից:

Ռուս մարդը իր հայրենի բնութեան ծոցում երբեք պէտք չի դրացել իր կամքը լարել եւ ջիղերը մտրակել յաղթանակի համար. նրա աշխատանքը կատարուել է իր գետերի պէս դանդաղ ու հանդարտ. ցրել է ցորենի հատիկները պարարտ սեւ հողի մէջ, պտուկել խրճիթում եւ Աստուած կանչել:

Բնութեան պայքարին անծանօթ՝ ուսւ մարդը ոչ հայկական Վիշապաքաղ Վահագն ունի եւ ոչ յունական Հերքուլէս:

Յունո-հռոմէական քաղաքակրթութիւնը զօրով պատուաստուած հաղիւ-հաղ ծուարել է մեծ քաղաքներում:

Լայնածաւալ Ռուսիան ոչ իր Անին ունի, եւ ոչ Պոմպէան:

Այս պատկերի տոջեւ ախամայ միտս է դալիս հայ ժողովուրդը, իր դարերի ստեղծագործական տիրտանեան աշխատանքով եւ այն՝ անթիւ աւերումներից յետոյ: Եւ հօր, անքակտելի կապը, որ ունի հայ ժողովուրդը դէպի իր հայրենի աշխարհը, դէպի նրա քարը, սարը, դաշտը, առուն, աղբիւրը, աւերն ու շէնը արդիւնք է այդ բեղուն ճիւղերին:

Թիւրքական սահմանն անցայ 1910 թրուին, եւ առաջին հայ գիւղի՝ Քօրունի ուսի տանը ասպնջականութիւն գտայ: Ռէսի որդին երկար ու ցաւագին պատմութիւններ ունէր